

# Kukkunersiuisut akuerisat qularnaveeqquserneqarnerat aamma akisussaatinneqarnissamut sillimaserneqarnerat pillugu Kalaallit Nunaannut nalunaarut

Kukkunersiuisut aamma suliffeqarfiit kukkunersiuinermik suliaqartut akuerisat pillugit inatsimmi, kunngip peqqussutaatigut Kalaallit Nunaannut atuutilersinneqartumi, nr. 219 af 7. marts 2023-meersumi § 3, imm. 4 malillugu, aalajangersarneqarpoq:

## *Qularnaveeqqusiineq*

**§ 1.** Kukkunersiuisut pillugit inatsimmi, kunngip peqqussutaatigut Kalaallit Nunaannut atuutilersinneqartumi, § 3 aamma § 10, imm. 1 malillugit kukkunersiuisup akuerineqarnissaanut piumasaqaataavoq inummit pingajuusumit (qularnaveeqqusiisoq) uppernarsaateqarnissaq (qularnaveeqqut), pineqartup akiligassalimmut sinniilluni akiliisussatut aningaasaqarnikkut piumasaqaatinut naammassinninnissaa, kukkunersiuisut pillugit inatsimmi, kunngip peqqussutaatigut Kalaallit Nunaannut atuutilersinneqartumi, § 1, imm. 2 aamma 3 naapertorlugit sulianik ingerlatsinermut atatillugu.

*Imm. 2.* Qularnaveeqqusissut Erhvervsstyrelsenip aalajangersaanera malillugu ilusilerneqassaaq.

*Imm. 3.* Qularnaveeqqusiisup qularnaveeqqusiissut Erhvervsstyrelsenip kukkunersiuisut aamma suliffeqarfiit kukkunersiuinermik suliaqartut pillugit nalunaarsuiffiani nalunaarsussavaa.

**§ 2.** § 1, imm. 1 malillugu qularnaveeqqusiissut imarisani naapertorlugu toqqaannartumik qularnaveeqqusiisumut piumasaqaatitaqassaaq aammalu uumap nalunaarutip saniatigut killilersuutinut allanut pituttorneqarsimassanani.

**§ 3.** Qularnaveeqqutip piumasaqaatit matussusissavai, § 1, imm. 1-imi pineqartunut attuumassuteqartut pisut ullormiit qularnaveeqqutip atuutilerneraniit, aamma atorunnaarnissaasa tungaanut (piffissaq qularnaveeqquserfik).

*Imm. 2.* Qularnaveeqqut taamaallaat atorunnaarsinneqarsinnaavoq qularnaveeqqusiisup Erhvervsstyrelsenip kukkunersiuisut aamma suliffeqarfiit kukkunersiuinermik suliaqartut pillugit nalunaarsuiffiani taassuminnga nalunaarsuineratigut. Qularnaveeqqutip atorunnaarnera ullormi aalajangersimasumi pissaaq, pisinnaanngitsoq qaammammik ataatsimik siusinnerusumik qularnaveeqqutip atorunnaarnerata nalunaarsorneqarneraniit. Taamaattoq qularnaveeqqusiisup piumasarisinnaavaa, qularnaveeqqutip atorunnaarnissaata nalunaarsorneqarneraniit ullup ataatsip qaangiunnerani qularnaveeqqutip atorunnaarnissaa, tamanna pillugu noqqaassuteqarneq kukkunersiuisup akuerisap unioqqutitsisimaneraniik tunngavilersorneqarsimappat.

**§ 4.** Qularnaveeqqut kisitsisitigut imatut killilerneqarsinnaavoq, piffissap qularnaveeqquserfiup iluani, ukiunut ataasiakkaanut tamanut piumasaqaatit tamarmik taamaallaat matussuserneqassallutik aningaasanik minnerpaamik 500.000 kr.-niusunik kukkunersiuisumut akuerisamut ataatsimut.

*Imm. 2.* BeløbsgrænsenImm. 1-imi aningaasat amerlassusissaattut killigititaq annikillineqassanngilaq, qularnaveeqqusiineqaraluarpalluunniit ukioq 1 ataallugu.

**§ 5.** Qularnaveeqqut piffissatigut killilerneqarsinnaavoq imannak, taamaallaat piunasaqaatinut matussusiisussanngortillugu, kingusinnerpaamik ukiut 5-t qaangiunneranni piunasaqaateqarnermik kinguneqartup suliap naammassisimaneraniit imaluunniit pisup pisimaneraniit qularnaveeqqusiisumut piunasaqarnermi.

*Imm. 2.* Imm. 1-imi piffissarititaasoq atorunnaarsinneqassaaq qularnaveeqqusiisup kukkunerisiisumik eqqartuussivimmum tunniussinerani, tassunga ilagitillugu Revisornævnet-imut maalaarummik tunniussinermi.

**§ 6.** Qularnaveeqqut § 8-mi akisussaatinneqarnissamut sillimmasertermut tunngatillugu killilerneqarsinnaavoq, taamaalilluni qularnaveeqqut piunasaqaatinut matussusiisutertmut atortussaajunnaartillugu, akisussaatinneqarnissamut sillimmasertermut tunngatillugu killilimmik matussusiineq taamaallaat annertussutsikkut killiliisimaneramik tunngaveqarpat.

**§ 7.** Qularnaveeqqusiisoq sillimmasiisarfiussaaq, aningaaseriviusaaq imaluunniit aningaasaqarnermik ingerlatsiisussaaq alla, qularnaveeqqusiinera taamaaqataanik isumannaassuseqarluni

*Imm. 2.* Qularnaveeqqusiisarneq danskit inatsisaatigut aqqinneqartarpoq. Qularnaveeqqutit pillugit suliassanngortitsinerit danskit eqqartuussiviinut tunniunneqartassapput.

*Imm. 3.* Kukkunerisiisunut ataasiakkaanut qularnaveeqqusiinerit ataatsimoorussilluni aqqiisussinertut atatillugu pilersinneqarsimappata, kukkunerisiisunik arlalinnik peqataaffigineqarlutik, taamaattoq qularnaveeqqusiisoq aningaasaateqarfiusinnaavoq namminersortoq imaluunniit peqatigiiffik. Taamaattorli piunasaqaataavoq, aningaasaateqarfiup imaluunniit peqatigiiffiup neriorsuutaata qulaajarneqarsimanissaa, imm. 1 malillugu qaqugukkulluunniit assingusumik isumannaarneqarsimanissaa. Tamatuminnga naliliineq Erhvervsstyrelsen-imit ingerlanneqassaaq.

#### *Akisussaatinneqarnissamut sillimmasiineq*

**§ 8.** Kukkunerisiisut pillugit inatsimmi, kunngip peqqussutaatigut Kalaallit Nunaannut atuutilersinneqartumi, § 3 aamma § 10, imm. 1 malillugit kukkunerisiisup akuerineqarnissaanut piunasaqaataavoq sillimmasiisarfimminngaanniit uppernarsaateqarnissaa, kukkunerisiisup pineqartup akisussaatinneqarnissamut sillimmaserterneqarsimanissaa, aammalu sillimmasiisarfik akiliisuussasoq ajoquserneqartunut taarsiinissamut akisussaasutut, kukkunerisiisumut akuerisamut tunngatillugu misissuaatsuliorsimanertermut, kukkunerisiisumit imaluunniit allamit, kukkunerisiisut pillugit inatsimmi, kunngip peqqussutaatigut Kalaallit Nunaannut atuutilersinneqartumi, § 1, imm. 2 aamma 3 malillugit suliassanik ingerlatsinertermut atatillugu.

*Imm. 2.* Suliffeqarfinni, tak. kukkunerisiisut pillugit inatsimmi, kunngip peqqussutaatigut Kalaallit Nunaannut atuutilersinneqartumi, § 13, aamma § 17, 10-nik imaluunniit amerlanerusunik akuerisanik kukkunerisiisulinni akisussaatinneqarnissamut sillimmatigineqartoq ukiumut ataatsimoorumik matussusiisinnaassaaq minnerpaamik 20 mio. kr.-nik.

*Imm. 3.* Imm. 1 malillugu suliffeqarfinni 10-t ataallugit akuerisanik kukkunerisiisooqartuni akisussaatinneqarnissamut sillimmatigineqartoq ukiumut ataatsimut matussusiisinnaassaaq minnerpaamik 2 mio. kr.-nik, amerlisarneqartussanik suliffeqarfinni kukkunerisiisut akuerisat amerlaqataannik, taamaattoq tak. imm. 4.

*Imm. 4.* Imm. 1 malillugu suliffeqarfinni 6-t ataallugit akuerisanik kukkunerisiisooqartuni akisussaatinneqarnissamut sillimmatigineqartoq pilersinneqarsinnaavoq matussusiisutitnik katersuinteraqanngitsumik aammalu kukkunerisiisumut akuerisamut ataatsimut ukiumut matussusiisinnaassaaq minnerpaamik 2 mio. kr.-nik. Matussusiineq taanna qaffasinnerpaajuvoq, sillimmasiisarfiup ajoqusertertermut ataatsimut nassuiaatigisassaanut, ajoqusertertermut pineqartumut kukkunerisiisooq akuerisaaq ataaseq imaluunniit amerlanerit taarsiisuteqarnissamut akisussaagaluarpataluunniit.

*Imm. 5.* Uppernarsaat iluseqassaaq Erhvervsstyrelsen-ip aalajangersagai malillugit.

*Imm. 6.* Sillimmasiisarfiup uppersarsaat Erhvervsstyrelsenip kukkunersiuisut aamma suliffeqarfiit kukkunersiuinermik suliaqartut pillugit nalunaarsuiffiani nalunaarsussavaa.

**§ 9.** § 8, imm. 1 malillugu kukkunersiuisunut ataasiakkaanut akisussaatinneqarnissamut sillimmatigineqartoq, ataatsimoorussilluni aaqqissuussinnermut atatillugu pilersinneqartunut, suliffeqarfinnut kukkunersiuinermik suliaqartunut aammalu 9-nik amerlanerusunik kukkunersiuisoqartunut, akisussaatinneqarnissamut sillimmatigineqartoq ataatsimoortumik matussusiisinnaassaaq ukiumut minnerpaamik 20 mio. kr.-nik. Ataatsimoorussilluni akisussaatinneqarnissamut aaqqissuussinerit pilersinneqarnissaannut piumasaqaataavoq, sillimmaserinnermut ilaatinneqassasoq sillimmatip angissusiata atuutilersinneqaqqinnissaanut matussusiinerup pisinnaanera, taanna ukiumi sillimmaserfimmi ataatsimi ajoquserneq imaluunniit ajoqusernerit arlallit kingunerisaannik imaarutsinneqarsimappat (reinstatement police-kkut matussusiineq).

**§ 10.** Ajoquserneqarsimasooq pineqartillugu akisussaatinneqarnissamut sillimatigineqartoq tamaallaat atorunnaarsinneqarsinnaavoq sillimmasiisarfiup tamatuminnga Erhvervsstyrelsenip kukkunersiuisut aamma suliffeqarfiit kukkunersiuinermik suliaqartut pillugit nalunaarsuiffianut nalunaarsuineratigut. Akisussaatinneqarnissamut sillimatigineqartoq atorunnaarsinneqassaaq ullormi aalajangersimasumi, akisussaatinneqarnissamut ulloq sillimatigineqartup atorunnaarsinneqarfia qaammammik ataatsimik sioqqullugu siusinnerusukkut atuutilersinneqarsinnaangitsoq.

**§ 11.** Sillimmasiisarfik Danmarkimi angerlarsimaffeqassaaq, immikkoortortaq Danmarkimi pilersinneqarsimasooq aqutugalugu Danmarkimi sillimmasiinermik ingerlatsisuussaaq, imaluunniit sillimmasiinermik suliaqarneq pillugu inatsimmi malittarisassat malillugit killeqarfiit akimorlugit suliffeqarfiussaaq kiffartuussinnermik ingerlataqartoq.

*Imm. 2.* Sillimmasiineq danskit inatsisaannit aaqqissuunneqassaaq.

*Atuutilersitsineq il. il.*

**§ 12.** Nalunaarut atuutilissaaq ulloq 15. april 2024.

*Imm. 2.* Kukkunersiuisut naalagaaffimmit akuerisat aamma nalunaarsorneqarsimasut qularnaveeqqusisarnerat akisussaannernullu sillimmasiisarnerat pillugit Kalaallit Nunaannut nalunaarut nr. 798, 27. juli 2008-meersoq atorunnaarsinneqarpoq.

*Erhvervsstyrelsen, ulloq 10. april 2024*

Jørgen Wissing Jensen

/ Philip Frey